

古田縣志

署李黎洲



					首	第 一 冊
					卷	
	圖	姓	目	凡	序	
	說	氏	錄	例	言	

古田縣志序

余於民國二十七年仲秋接古田縣篆下車伊始凡一縣之民財
教建保安訓練以及地輿文物風俗習慣物產乃至過去一切政
治改革之類有明瞭之必要因向掌簿書者索閱本縣縣志詎以
無是書報余甚訝之嗣晤及邑紳藍寶田盧景湘諸先生談地方
文化旁及縣志方知已有碩儒余鍾英先生正在主持編輯以經
費無着襄助乏人致未告成余以斯志有關本縣文獻亟應集鉅
資聘名宿協助編纂俾得早日觀成乃商諸黨部林書記長惠璿
本府教育科長林作瑜擬定辦法籌款三千元以爲編修印刷等
費之需於本年二月中旬提付全縣行政會議討論僉贊同一致

古田縣志

卷首

序

一

決議通過至五月縣志編修委員會改組成立並由縣聘余鍾英
盧景湘陳世英李鑒唐丁渭芬魏凱文諸先生爲編輯委員丁翼
先生爲協輯開始編修於二百餘年積久事蹟文獻凋零無正宗
邑乘可資徵考中乃得各方襄助及珥筆諸先生悉心搜集努力
採訪分門編修經五月餘而全部縣志告成茲參閱志內共計三
十七門各門記載有根據通志及舊志者有依據採訪再加以審
查者均係躡實不特足資視察風化觀覽政教分別利弊借鑒興
廢治亂去惡卽如緯候之寒燠疆界之沿革山川名勝水利城市
物產金石之盛稱悉備探討更若賦稅度支戶口兵制以及制度
之變遷職官之增減學校之興辦實業交通建設之代有推廣擴

張尤足令人興感者至前代名人或以道德名或以文章顯又如孝友忠義宦績惠政之賢流乃至堅貞節烈獨行文苑儒林之表著者他若寓賢方外岐黃技術隱逸雜錄小史凡足資紀載存攷者莫不闡幽微而列舉均足以殫見洽聞因感志事端緒之多輟續而終得於此際完成者是亦余主縣政而得完成要政中之一也至贊襄諸先生與乎珥筆諸執事其亦將與斯志而並傳焉茲以編成付梓於欣慰之中特撰數行以爲序

署古田縣縣長黃澄淵敬撰

中華民國二十九年九月

日

古田縣志

卷首

序

二

重修古田縣志序

邑有志猶家有譜家無譜則數典忘祖何以重木本水源之義邑無志則施政無方何以奏化民成俗之功佐宸忝任斯邑他務未遑卽進都人士與謀修志職是故也攷古田自有唐開疆歷宋元迄明萬歷千餘年劉令曰暘始有志嗣王令繼祀楊令德周續修之至清乾隆十六年辛令竟可復聘邑紳藍孫璿葉標元等重加修輯屆今又二百餘年鮮有人議及於此胡視一邑文化漠不相關乎夫有守土責者宜知其地疆界廣狹山川險易而後水利交通實業武備城市外交可以舉其端宜知其地緯候寒燠戶口息耗而後物產禮俗賦稅度支學校選舉可以覘其概名宦也而惠

古田縣志

卷首

序

三

政刑法繫之名勝也而藝文方外隨之況古田爲朱紫陽過化之區李仲任製錦之地涵濡教澤匪伊朝夕人文薈萃代產名流忠義孝友之倫儘人景仰文苑儒林之選亘古流傳卽至方技微長亦在可觀之列鄉閭獨行尤爲特立之修山林旣樂耽夫隱逸閨壺復競勵夫貞操凡諸嘉德皆宜記載以爲軌範爰籌經費聘任優貢余君良駿爲總纂師範科舉人徐君培豐拔貢林君榮桐爲分纂諮議員余君鍾英爲提調以司其事深望觀成有日俾二零年未修之邑乘得所補救古田之幸亦佐宸之幸

民國九年

古田縣知事江蘇吳佐宸撰題

重修古田縣志序

古田爲吾閩山水窟山有翠屏仙嶺文峰之秀水有龍源劍溪林洋之清李仲任絃歌於其邑朱考亭講學於其鄉前賢過化之地迥乎尙矣今者入其境則萑苻遍地田野荒蕪入其邑則市塵湫隘風氣閉塞官斯土者烏能無責元璋攝篆之初適大軍壓境催科徵役日無暇晷生聚教訓尙未遑也兵退遂修市政築道路以利交通設民衆學校倡中小各校聯合運動會勸募圖書館經費以宏教育辦清鄉練鄉團以保治安凡職所應爲者敢不惟力是視然羣盜如毛甲仆乙繼風起雲湧而不可遏止民俗淳樸之區變爲干戈虎豹之藪天心未厭亂歟抑人心之樂於爲惡歟蓋文

古田縣志

卷首

序

四

獻不修善無以勸而惡無以懲故也夫志乘者一邑之史也無志乘則善惡同歸泯泯安恠善者不勸作奸犯科者之毫無忌憚哉況古田縣志自前清乾隆迄今失修者將二百年矣其間屢議屢輟卒未蕙功舉凡治亂興衰之記載選舉戶口之變遷禮俗物產藝文之考證儒林文苑循吏獨行方技等之表彰積久漸湮幾無人能道之者元璋怒然憂之與邦人士議重修僉曰諾爰籌經費設局所聘纂修廣採訪惟慎惟勤不偏不倚期以六閱月之功挽千百年之風流文物於不墜善惡旣分勸懲自見則縣志之成實移風易俗之一道也蓋可忽乎哉

中華民國二十年三月莆陽陳元璋序於古田縣政府

重修古田縣志序

一邑之紀載吏治之考鑑胥在志乘誠以人事五年一小變十年一大變人心視風化爲轉移民俗視政教爲觀感一時有一時之利病一代有一代之沿革故朱考亭夫子每至一郡邑輒取其志乘而觀覽之使知一邑風俗之美惡及古今之得失興廢爲治者始得從事而不至相習於盲茲攷古田邑乘明萬歷間劉令曰暘始行倡修繼之者王令繼祀又繼之者楊令德周迨清乾隆十六年辛令竟可復起重修自是以後闕焉無有紀載將二百餘年是直盲邑而已以盲吏治盲邑而姦胥豪民正得熒惑而震撼之無所顧忌且民國改革以來舉凡大事雜錄書不勝書不特賦稅度

古田縣志

卷首

序

五

支戶口兵制刑法職官其間時有增減卽學校選舉制度以至實業外交建築交通亦日異月新大有擴充之象其前後不變者惟星野疆域山川名勝城市水利物產有易名而無易地有曠土而無曠名一有掛漏均爲考古者之缺憾證之民國廿五年余於閩清縣爭回交換水口一事而邑乘足資攷據其明驗也況乎志也者所以留名也人孰不愛其名而欲表其祖父之行狀苟其積一生之道德文章苦心孤詣如孝友忠義之蘊蓄宦績惠政之設施貞烈獨行之操持儒林文苑之表著及乎寓賢釋老隱逸技術之士特出於人而不得留名志乘微顯闡幽表彰善行之謂何皆有司搜括棄遺之咎故採取不實旣嫌於濫搜訪多漏則失之疏疏

與濫非徒從事修輯者之責恐人非鬼責採訪者既負其咎官斯
土者仍在所不免余故用是兢兢焉但以才學識有限不足預於
筆削又因政務煩劇日不暇給欲得三長之士足以專任斯職者
適查陳前令元璋有志於斯舉未逮曾聘余紳鍾英爲總纂陳世
英李鑒唐丁渭芬陳廷鑣葉樹棠翁學瀾諸紳爲分纂以續吳前
令佐宸任內所聘余良駿林榮桐徐培澧等當時修輯志稿被大
軍過境回祿僅存十之二三奈續修方歷六七閱月地方連年多
故採訪阻滯經費又絀分纂葉樹棠陳廷鑣翁學瀾先後物故際
文獻絕續之交一髮千鈞過此以往墜諸茫茫愈不可問矣遂復
聘余鍾英陳世英丁渭芬李鑒唐盧景湘諸紳仍充原職將各門
志稿謄清送請魏紳建祥鑒定俾前後邑乘得所折衷合成全璧
並俟籌集的款獲付剞劂余拭目俟之

中華民國廿六年

古田縣知事張海容逸吾甫

舊序

古田縣知縣豫章劉曰暘

明萬歷十八年

千金之子欲大其閥閱必繪祖德紀成業詳厥世系載之家乘雖一氏之相傳猶希不朽之盛事矧地畫郊圻職司民社黃墟蒼蓋互分國典王章是寄林林總總之命品彙名物之繁靡不依而若性藉令不孳孳俯仰究極古今考因革之源驗興衰之故欲治有成績是舍步伐以提制勝之師廢鐘律而調節奏之理必不幾矣第縱觀今世惟通都大邑有志蕞爾者否惟人文聲教之赫弈有志閭閻者否惟當閱歷之日久有志倏遷者否蓋主而翼之之力微可紀而傳之事寡也古田輿地縱橫五六百里其間生齒疆畝

古田縣志

卷首

序

七

貢賦物產習俗典章不在他邑下西南之偏則全閩財賦之關舟車出入之所分設嵯司聯置二驛東北山徑錯通防禦尤難正嘉間特設郡司馬督捕之尤他邑所罕儷逖稽往牒宋李道愛侯之爲令功軼漢唐朱紫陽李延平之爲教道宗周魯迨我國初張志道以文章辟起聲重詞垣安南之使宸章寵錫寶翰遙寄卽古明良魚水之歡曷以加焉近睹時政採金中使乘傳入閩古田遂爲事始雖鑿煉鮮利旋復告罷然封壤之故墟遺址先喆之微言芳規湛恩異數卓軌鴻猷徒付殘編斷簡之間流諸故老宿儒之頰曰暘傷之久矣揆厥所由則前令束縛於簿書困繫於綜覈時弗竟其功遇反睽所志人與地兩難之矣曰暘仰仗社稷之靈厚藉

當路之界展布微力得彌五載卽事遡所從來拊時叅其推禪或采從逸篇或聞自誦說或見於推行積久成帙乃與二三文學刪厥繁蕪正其誤謬列爲十二志每志繫之條目以鑿混沌之竅以盡網紀之詳以賅幽明述作之文以搜洪纖高下之頤錢穀兵刑靡細不備錄參考也功最行誼非覈不載戒濫觴也功漸脫藁業已殺青曰暘宜敍簡端復悚然懼謂權衡千古必鑒羨於人倫剖決信疑須明炳乎物表苟非若人貽譏作者第聞車制室中轍合天下軌之同也抱眞守璞金石爲泐志之孚也信以傳信疑則闕疑出之實也執斯三者庶無負於志矣知我罪我豈所敢知

古田縣志

卷首

序

八

舊序

古田縣知縣西吳王繼祀

明萬歷三十四年

蓋聞墳虎迭響而六律諧元黃遞施而五采賁儻有唱而無和有
純色而無錯采則陽春爲絕響而巧繪安所施工況纂修關一方
文獻而興志垂千載實錄敷陳治紀采述民風晰利弊於毫芒昭
鑒戒於永禩徵往察來惟方策是賴藉令典籍草莽有識者且求
之野幸前既有作後可無繼玉田舊未有志有志自前任葵寅劉
君始劉君以長才蒞治政成之暇探典實著爲成書亦周且備矣
繼祀猥以駑質踵步後塵無能揮霍博奇惟持一念不欺與民終
始常覽茲志考其賦法比其行事酌而施之庶幾吏習民安幸歷

古田縣志

卷首

序

九

五載無失近藉當道得給由入報聖天子不以繼祀不肖寬其罰
賜之勅命並及尊人聖恩厚矣至矣顧念時僅五載其間瑕釁漸
啓奸宄易乘錢穀之出入稍增建豎之工費亦夥頃當大造則戶
口田畝視昔有加間省人文則文章節孝復有採錄以至鹽鐵之
禁災祥之書皆所宜叅補者而三載課績之期復至不及今修葺
後且湮沒是懼至令人按往事而歎掛漏責將誰諉是用兢兢請
之上臺謀之學博兼集諸文學按其條目悉加彙附詎曰好事妄
加刪削而務煩節惟以素所建布綴諸簡編與前刻相踵成書竊
附於墳箴之協應而元黃之並施爾終虞瓦缶土赭無當於大方
爲世所嗤敢必垂遠哉若文追作者政美而傳雖屬一邑可質今

古世世賡續而振收之共成不朽盛事尤以俟後之君子

古田縣志

卷首

序

十

識略舊序

邑令四明楊德周 明崇禎六年

邑舊無志志自南昌劉公始而歸安王公續修焉遂爲金井玉田完一大缺陷事當時珥筆諸公不無遺漏未澤大雅亦緣闕疆稍晚掌故漫漶艱於無米作炊所謂雖太史公在不能載成史記也大官之饌品味廣而無當郇廚然併此品味無之曷備大官哉孟堅嗣子長而起多所輸攻要其此鈍彼利未必漢書便以後出踞勝地論者不推有志之功而訐作志之短不知前志待後志而補其闕祇以後志駕前志而增其價此文人未盡銷除之習氣從來具大眼孔負大手筆者識曠體宏定無巧於挪揄而拙於表章也

古田縣志

卷首

序

十一

不佞周待罪邑中兩載餘事劇吏冗何暇理筆研事惟是輶軒負弩臺司摳衣居諸半在水濱舟次則以餘晷供纂述之役諸凡肉譜舌學無不畢收綴輯經時漸入機箴爲邑中志乘効菅蒯絲麻之用庶幾夢寐先輩以泚墨代把臂快有揚摧後視今猶今視昔敢自謂有功此土遽出劉王二公上哉蓋聞神廟時陳文憲公疏修正史詔求遺書其時書大出而山陰有王貢士應遴者兩疏修志上獨下所司待詔闕下於一統志之外倍增幾半會以實錄故寢議余旣阨於所遇不能窺金匱石室之藏於芭蕉園少供討論又以生後其時不曾從國門見當日所集諸書旁搜瀏覽而近泣諸邑僅從少司空何公閩書睹八郡之盛又從曹能始先生名勝

志睹域中山川人物之全其見聞所及惟武功隨州沔陽吾甯舊志及近日楚志承天志差存體裁其他郡邑乘求可採者十無一二稗官小乘求如先賢志耆舊傳可法可誦者又千百無一二也今茲之輯考索憲章眉列掌示余惟是美人倫厚風俗兵刑財賦之綢繆忠義貞媼之揚挖爲大綱領而其緒以文詞歌詠緣飾以經以緯微意別裁觀者當得之意言之表庶幾不賢識小聊佐識大之遺邑雖小亦有小帳簿焉令雖微亦司帳簿人也司帳簿而不諳於舊帳簿懜甚旣得舊帳簿而不加料理重製一新帳簿懜尤甚獨是筆陣殖落著作黥淺上不能爲扶輿光映發次不能爲人物綜靈奇綴輯所就終謝無縫銖衣是且不足備先賢耆舊洒

古田縣志

卷首

序

十二

掃而何敢謂事賅文炳妄意一郡一邑之志乘與夫一代信史千秋正史哉余憶初登公車時祈夢於于忠肅公墓祠公告曰進而不盡其言言而不盡其用公先告之矣雖然才囿於一割藝窘於三長余縱盡言其其用何當於正史信史之任此又公之從笑吾過也邑人鄭君文卿楊君應鵬張生極均於是役有勞勩例得並書

舊序

距郡三百里而近有縣曰古田溪谷深阻箐林奧密巖險襟帶舊常號爲劇邑其地無珍材淫貨之產居人大率僂力田種長材秀民通經術能文章者宋元爲最盛其風土醕漓雜糅先是疆宇寬廣難理雍正十二年前制府郝公玉麟奏請割其境東北別爲縣於是畫圻視舊隘二百里政化易浹故所患獷悍豪猾逋租匿役之風氣稍衰息矣歲在辛未今令天雄辛君竟可爲治期月余嘗徵其志乘君曰無有也前明神廟時嘗一再修迄今百五十年世統一更舊籍散失無有踵事編纂者乃歎向之吏茲土者惟簿書期會之爲急而於此或有所不暇恤也旣而余有郡乘之輯君亦

古田縣志

卷首

序

十三

銳意以修復自任不一載書成來上且請志之余爲披閱一過州次部居有條不紊昭代典章文物犁然備具蓋一邑之故可睹焉則又歎君用力之勤爲能興廢舉墜而不徒汲汲於簿書期會之間也余於是有所以進君矣夫爲吏之道在周知其境內山川土田風俗之美惡鑒今古之得失而從事焉興其利之旣壞而革其弊之方張則必於志乘徵之夫山川土田風俗之美惡古今之得失利弊此非簿書期會之所能悉也姦胥豪民所以熒惑震撼其官長者不過在一時一事之間若夫長吏綜練方內之全勢其施爲準之於古而惟宜於今者是務雖有姦胥勿之能銜雖有豪民勿之能奪矣而其故具在乎方志之書此志乘所以爲至要而不可

忽也昔史稱傅琰爲山陰著奇績時謂其有理縣譜今是書也其亦君之治譜歟而此方之人考覽前哲之行事知爲善者之必有聞於後雖掩闕於一時而決不終泯沒者其觀感興起又可知矣乃不辭而序其簡首云

賜進士出身中憲大夫知福州府事前翰林院編修錢塘徐景熹撰題

古田縣志

卷首

序

十四

舊序

閩自周已入職方古田則處深山邃谷中渾渾穆穆初不知有周秦兩漢何況六朝五代卽有馬班范陳歐陽氏稱良史才於古邑山川人物莫由道其一二迨唐開元入版圖涵濡漸漬匪朝伊夕矣春風所至鷹眼能慈泮水好音鶉聲亦化況華陽國志紀及蠶叢魚鳧扶輿輪困鬱勃之氣無時無地不鍾毓涵孕於其間何至茫無紀載乃嶽閔淵冥星韜辰晦千餘年中超蹤軼事散佚已多明萬歷間豫章劉公刻意蒐羅始裒成邑志不六年西吳王公卽行續輯越二十八年四明楊公復有識略三十四年中三開志局卽有三長何其密也自明迄今百五十年缺然不講抑何疏耶國

古田縣志

首卷

序

十五

家累洽重熙聲教四訖邑人士沐浴昇平逾百年矣風琴雅管泮於荒陬禮樂文章光於四表政教風謠浸浸近古蒞斯土者忍盡絡胸結臆惜墨慳毫置之弗論哉亦前明末造文獻無徵潛德鬱於滄桑幽光閔於兵燹牽掣浮言拘攣成見因循荏苒亦越於今究之光嶽英靈之氣不能終闕抑山川發興有待而開竟可仰承聖天子仁育義正之休諸大憲教育甄陶之意訪求故老蒐討舊聞溯厥源流古邑雖開於唐實盛於宋自李道愛侯崇尚正學禁止巫鬼風俗人心翕然一變迨朱晦翁避地至止羲文周孔之道洋溢溪山理學文章甲於他邑而忠孝義烈之風至明季而大暢或以諸生哭墜口於虞淵或以樵夫殉故君於草莽遺臣抱璞烈

士守貞風微世遠得諸傳聞我朝崇德表中無微不照而古邑幽
潛獨未闡發蓋閩人不善爲名古邑尤甚祖父有善而不知知之
未必能傳也風氣遒勁不以湮沒而少挫甲寅之變士君子履潔
懷清不污僞命卽匹夫匹婦亦明順逆知大義抗拒兇頑濱死不
悔昔人稱玉田人士天真未漓敦尙節概其信然哉其信然哉他
如山川之險易土田之肥瘠風俗節候之不齊已詳前志而科名
仕宦炳炳麟麟愈進愈上惟前志所稱俗悍民頑賦逋訟健則於
未分邑之先幅員遼闊控制爲艱自古屏分邑之後地邇勢均撫
循較易前此之宿霧沈煙陰霾濁垢一經湔滌不留纖翳矣分合
通塞之運有天有人夫豈偶然哉

古田縣志

卷首

序

十六

乾隆十六年辛未嘉平之吉

古田縣知縣天雄辛竟可撰書

舊序

邑之有志也上而星野下而地輿山川疆域之廣狹風俗土宜之淳薄聲名文物政教風謠胥於是乎紀自邑而郡而省而一統志馴致以登國史所係豈淺鮮哉古邑自唐開元迄明萬歷千餘年始衰成邑志越今又百五十年矣鼎革之際忠義貞烈明皎日而懷秋霜以及戊子甲寅之變鬚眉抗僞命而視死如飴巾幗冒兇鋒而罵賊不屈正氣鬱勃不可消磨而時移世遠積久漸湮及今不修更歷年所芳躅高蹤幾無有人能道之者歷來令長有志未逮天雄辛侯成翁素承太翁庚子孝廉國子監學正夏傳公留心名教闡揚幽隱之訓涖任數月後卽念及此語廷選曰邑乘久闕

古田縣志

首卷

序

十七

雖有司之責亦秉鐸者之憂也余自忘譴陋將從事是役其匡余不逮於是廷選佐侯博訪前徽於耄儒旁鈎時士之家乘揖諸君子之共事者而與之言須彼此相商同心協力分肩厥任惟公惟平毋偏執己見毋曲徇人情毋虛誇而失實毋始奮而怠終諸君子諾之轉念經費無資復謀諸邑人士之好義者邑人士涵濡聖朝德化已逾百年仕宦科名文章政績遠軼前代兼以素尚古風樂襄盛舉況仰侯之正身表率咸和士民上不違下而下何忍違上是以人心兢勸遐邇景從我侯因得以龔黃卓魯之長材運班馬歐陽之鉅筆經術飭吏治而官師食貨秩祀兵戎洞如觀火碩士之高文典籍炳於日星幽閨之苦節貞心光於泉壤一技一藝

藉是以成名琳宇梵宮亦由斯而不朽方言里諺上徹輶軒冷韻
幽香永光彤管戶口蕃滋物產豐阜溝洫陂塘之疏濬壇壝祠宇
之盛衰千緒萬絲有條不紊將見城濠亭障於焉改顏學校宮牆
因之起色矣廷選鳴鐸茲邑獲近玉光遙觀志成余之幸也侯之
功也亦諸君子之力邑人士之好義也云爾

乾隆十六年重光協洽

古田縣學教諭舉人溫廷選拜書

古田縣志

卷首

序

十八

古田縣志凡例

一古田舊未有志有之自明代萬歷間劉令曰暘倡修始後王令繼祀增修之楊令德周復編志略越清代乾隆十六年辛令竟可重修焉今所存者辛志而已道光間曾經總纂余琢山儀部分纂郭四峰孝廉翁碧山茂才諸先達從事重修惜稿完而未付梓卒致散佚無遺茲考辛志以後失修將二百年矣文獻無存遺聞軼事未由訪其一二後之修志者憾焉

一民國九年吳知事佐宸奉令修聘志余良駿充總纂林榮桐徐培澧充分纂正在編輯間旋因兵燹中止後陳縣長元璋張縣長海容黃縣長澄淵相繼組織續修之

古田縣志

卷首

凡例

一

二福建全省通志局訂定各縣修志凡例修至民國五年爲止本局開辦既已逾期中間又幾經波折故採訪編輯期間不免延長茲修至本年爲止

一舊志分類三十茲依通用凡例編次都三十有七門爲表二爲志二十之爲傳十一殿以雜錄並附禁煙小史僑胞小史抗敵小史間爲舊志所未詳者徵文考獻而增補之爲舊志所全無者旁搜博採而編纂之

一各門中如已彙繕成冊而採訪事實後至者則列諧補遺一舊志目錄於各圖外先列星野茲依通用凡例以古屏分邑後應先列疆界沿革表附以疆域鄉村俾閱者易於明了

一舊志列星野茲依通用凡例列緯候表附錄舊志星野躔度占驗氣候備參考也

一舊志只繪方括縣城縣治學宮等圖茲增補文昌宮圖武廟圖溪山書院圖玉田八景圖各區圖五口圖

一舊志藝文志全載書目今仍之又增編藝文錄選列詩文有關繫者分訂上下卷

一職官志中題名有不全者因時代變遷官書殘破無所攷據也

一選舉志除依舊志登載薦辟科目外新增諮議局省縣議會人員及縣黨部與區分部人員暨文獻委員會農工商各會職員

古田縣志

卷首

凡例

二

又大學中學并留學他國畢業者末附恩遇封蔭耆耄分訂上下兩卷

一關於本縣黨部事績應登載者業奉中央命令就各門中有關係者應盡量表彰不必另立一門自應遵照辦理

一舊志列賦役所賅甚廣似嫌繁瑣茲依通用凡例列賦稅田賦以外凡原有稅額及晚近一切新設稅則皆麗焉

一舊志關於各傳人物或因寄籍他處致有遺漏茲經採訪其家乘記載與乎廬墓具在了無疑義者應行補入

一列女傳子目不一凡節孝貞烈婦女無論經旌獎與否有事實者立傳餘皆題名至閨秀賢媛均有德有才不容湮沒者末附

壽婦分訂上下兩卷

一凡未經採訪送局者未便擅行編輯且採訪之後尤必經過審查以昭慎重

一舊志中有應存留各篇目均附錄於正篇之後每行均低一字以資識別

一各採訪員因地方不靖阻礙進行雖經本局疊次函催卒多停滯致以本局人員兼任採訪者顧其耳目有限難免舉一漏百之憾

一同人等固知本志失修既久編纂不易爲力兼之學識淺陋勉強從事亦義不容辭際茲稿本粗完尙望博雅君子匡直而輔

古田縣志

卷首

凡例

三

翼之幸甚

古田縣志卷首

序言

凡例

目錄

姓氏

圖說

卷一

疆界

卷二

緯候

古田縣志

卷首

目錄

一

卷三

大事

卷四

山川

卷五

水利

卷六

城市

卷七

建築

卷八

名勝

卷九

戶口

卷十

賦稅

卷十一

物產

卷十二

度支

古田縣志

卷首

目錄

二

卷十三

職官

卷十四

學校

卷十五

選舉_{上下}

卷十六

武備

卷十七

實業

卷十八

交通

卷十九

刑法

卷二十

外交

卷二十一

禮俗

卷二十二

惠政

古田縣志

卷首

目錄

三

卷二十三

祠祀

卷二十四

藝文 上下

卷二十五

金石

卷二十六

列傳

卷二十七

儒林

卷二十八

文苑

卷二十九

獨行

卷三十

孝友

卷三十一

忠義

卷三十二

方技

古田縣志

卷首

目錄

四

卷三十三

循吏

卷三十四

列女

卷三十五

流寓

卷三十六

方外

卷三十七

雜錄

卷三十八

小史
跋附

古田縣志



卷首

目錄

五

重修古田縣志姓氏

本屆古田縣志編修委員會職員

署古田縣縣口
兼本會常務委員 黃澄淵 福建龍溪

本會
兼總務股股長 林作瑜 福建閩侯

本會
兼出版股股長 林惠璿

本會
兼編纂股股長 余鍾英

本會
兼編纂股股員 盧景湘

編纂股股員 陳世英

編纂股股員 李鑒唐

編纂股股員 丁渭芬

古田縣志

卷首

姓氏

一

編纂股股員 魏凱文

協纂 丁翼

本會委員 林慎眞

本會委員 魏建祥

本會委員 藍寶田

本會委員 陳彬

第一屆古田縣修志局職員

署古田縣知事
監修 吳佐宸 江蘇銅山

總纂 余良駿

分纂 林榮桐

分 纂徐培澧

第二屆古田縣修志局職員

署古田縣縣修長 陳元璋 福建莆田

署古田縣縣修長 張海容 江蘇漣水

總 纂余鍾英

分 纂葉樹棠

分 纂陳廷鑣

分 纂翁學瀾

分 纂陳世英

分 纂李鑒唐

古田縣志

卷首

姓氏

二

分 纂盧景湘

分 纂丁渭芬

監 定魏建祥

城區採訪程鵬搏 丁壽田 陳朝楨 吳寶林

徐炳綸 林 鉞 林元英 池拱星

葉撫辰 曾元凱 余又健 吳鴻恩

林維周 楊斯田 陳耕莘 吳壽坤

大東區採訪黃兆汾 黃兆淇 余樹基 陳培齡

余葆真 余葆清 余鳴謙 黃紹範

謝鴻鈞

小東區採訪陳鴻圖 施甘霖 鄭疇 陳贊元

陳金俊

西區採訪陸守藩 陳耀東 吳慶雲 魏湘

態世棠 林仰逋 魏培中 林念劬

南區採訪楊炳鈞 吳紹澄 朱建祥

北區採訪蘇若潮 卓鏘然 鄭守謙 陳培英

包紹南

舊志修志姓氏

總修

古田縣知縣辛竟可

古田縣志

卷首

姓氏

三

協修

教 諭溫廷選

縣 丞邊廷魁

參訂

典 史夏廷英

黃田驛丞黃鹿鳴

分輯

侯官縣舉人林咸吉

邑 人藍孫璿 林為翰 周大訓 徐作梅

孫正盛 趙舜年 陳萬椿 林曰父

丁繼祖 林國樑

分校 藍枝叢 張啓璧 丁大成 陳成章

黃輝斗 姚人鸞 卓景苞 丁起萬

余長煒 丁泰來 林傳紳 丁三重

丁大器 張學謀

訪輯 遺聞 藍浴 姚作柱 林三槐


古田縣志

卷首

姓氏

四

古田縣政府平面圖



縮尺 1:500

古田縣中正公園平面圖


民國二十九年十月二十日製



古田縣政府繪製


縮尺 1:1000

古田縣立公共體育場



1:1000



文廟平面圖



古田縣政府製


古田縣文廟印刷局承印

武聖宮平面畵




正面立體畵

平面畵



漢山書院平面圖

民國二十九年十月廿四日完成



縮尺 1:500

古田縣政府製